

Ո Ր Ո Շ ՈՒ Մ թիվ 266
Վարչական տույժ նշանակելու մասին

«18» հոկտեմբերի 2018թ.

ք. Երևան

ՀՀ պետական եկամուտների կոմիտեի հետաքննության վարչության պետ Արգիշտի Քյարամանյան, վերանայելով Սիրուշ Սուրենի Սարիբեկյանի վերաբերյալ նյութերը.

Պ Ա Ր Զ Ե Ց Ի

2018 թվականի օգոստոսի 4-ին ՀՀ ՊԵԿ մաքսանենգության դեմ պայքարի վարչության աշխատակիցները Բագրատաշենի մաքսային կետում զննության են ենթարկել Վրաստանից ՀՀ ժամանած «MERCEDES-BENZ» մակնիշի, 61SO911 հաշվառման համարանիշի ավտոբուսը, որի սրահից՝ նստատեղերից մեկի վրա, հայտնաբերել են նույն ավտոբուսի ուղևոր Սիրուշ Սուրենի Սարիբեկյանի կողմից առանց հայտարարագրման ՀՀ մաքսային սահմանով տեղափոխված 1.9 կգ քաշով տարբեր տեսակի արծաթյա զարդեր:

Փաստի առթիվ կազմվել է մաքսային կանոնների խախտման վերաբերյալ արձանագրություն, իսկ հայտնաբերված զարդերը վերցվել և ի պահ են հանձնվել «Ուրբան լոջիստիքս սերվիսիս տերմինալ» ՍՊԸ մաքսային պահեստ:

Սիրուշ Սուրենի Սարիբեկյանը բացատրություն է տվել այն մասին, որ հաճախակի է մեկնում Ստամբուլ՝ ընկերներին տեսակցելու և անձնական իրերի գնումներ կատարելու նպատակով: 2018 թվականի հուլիսի 29-ին «MERCEDES-BENZ» մակնիշի, 61SO911 հաշվառման համարանիշի ուղևորային ավտոբուսով հերթական անգամ մեկնել է Թուրքիա, որտեղ Ստամբուլ քաղաքի խանութներից մեկից գնել է 1.9 կգ քաշով, շուրջ 500,000 դրամ արժողության տարբեր տեսակի արծաթյա զարդեր՝ Հայաստանում դրանք վաճառելու նպատակով: Զարդերը առանձին պայուսակով տեղադրել է ավտոբուսի սրահում, ուղևորության ընթացքում պահել է իր մոտ, իսկ ավտոբուսից իջնելիս թողել նստատեղին: Օգոստոսի 4-ին վերը նշված ավտոբուսով ժամանել է Բագրատաշենի մաքսային կետ, որտեղ մաքսային ծառայության աշխատակիցների կողմից ավտոբուսը ենթարկվել է մաքսային հսկողության և նստատեղի վրայից հայտնաբերվել են իր կողմից առանց հայտարարագրման ՀՀ մաքսային տեղափոխված 1.9 կգ քաշով տարբեր տեսակի արծաթյա զարդեր: Մաքսային ծառայության աշխատակցին հայտնել է, որ բավարար դրամական միջոցներ չունենալու պատճառով չի կարողացել կատարել զարդերի մաքսային ձևակերպումները և վճարել մաքսային վճարները, ինչից հետո իր նկատմամբ ՀՀ մաքսային օրենսգրքի 203-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ զարդերը վերցվել են:

Սիրուշ Սուրենի Սարիբեկյանը միաժամանակ հայտնել է, որ գիտակցում և ընդունում է, որ թույլ է տվել մաքսային կանոնների խախտում, ինչի համար զղջում է:

Պարզելու համար, թե իրենցից ինչ են ներկայացնում հայտնաբերված զարդերը և որքան է կազմել դրանց շուկայական արժեքը, 15.08.2018թ. նշանակվել է ապրանքագիտական և նյութագիտական համալիր փորձաքննություն և համաձայն ՀՀ «Փորձագիտական կենտրոն» ՊՈԱԿ փորձագետի 27.09.2018թ. թիվ 70641804 եզրակացության՝ փորձաքննությունը տրամադրված ապրանքներն իրենցից ներկայացնում

են 925 հարզի արծաթի համաձուլվածքից պատրաստված զարդեր, որոնց շուկայական արժեքը 2018 թվականի օգոստոսի 4-ի դրությամբ կազմել է 1,878,000 ՀՀ դրամ:

Պարզելու համար, թե 1,9 կգ քաշով տարբեր տեսակի արծաթյա զարդերը չհայտարարագրելու հետևանքով մաքսային վճարների պակաս հաշվարկում, ինչպես նաև ոչ սակագնային կարգավորման միջոցների չկիրառում առաջացել է, թե ոչ, 10.10.2018թ. թիվ 13-2/[1817209]-18 գրությամբ հարցում է կատարվել ՀՀ ՊԵԿ մաքսային հսկողության վարչություն, որտեղից ստացված 18"10.2018թ. թիվ 8-1/1822237/-18 գրության համաձայն՝ տարբեր տեսակի արծաթյա զարդերի մաքսային արժեքը կազմում է 1,394,040 ՀՀ դրամ, իսկ դրանց չհայտարարագրման հետևանքով առաջացել են ինչպես 320,628 ՀՀ դրամի չափով չհաշվարկված մաքսային վճարներ, այնպես էլ՝ ոչ սակագնային կարգավորման միջոցների չկիրառում:

ԵԱՏՄ մաքսային օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով: ԵԱՏՄ մաքսային օրենսգրքի 105-րդ հոդվածի համաձայն՝ մաքսային ընթացակարգերով ձևակերպելիս, բացառությամբ «մաքսային տարանցում» մաքսային ընթացակարգի, մաքսային մարմին է ներկայացվում ապրանքների մասին հայտարարագիր: Օրենսգրքի 110-րդ հոդվածի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն օրենսգրքով սահմանված այլ ժամկետում: ԵԱՏՄ մաքսային օրենսգրքի 2-րդ հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ եւ (կամ) ապրանքների բացթողման համար անհրաժեշտ այլ տեղեկությունների հայտագրում է: ԵԱՏՄ մաքսային օրենսգրքի 83-րդ հոդվածի համաձայն որպես մաքսային ընթացակարգերով ձևակերպվող ապրանքների հայտարարատու կարող է հանդես գալ՝ անդամ պետության անձը՝ որն օտարերկրյա անձի կետ կնքված այն գործարքի կողմերից է, որի հիման վրա ապրանքները տեղափոխվում են Միության մաքսային սահմանով, որի անունից և (կամ) որի հանձնարարությամբ կնքվել է նշված գործարքը, որն ունի ապրանքների տիրապետման, օգտագործման և (կամ) տնօրինման իրավունք, եթե ապրանքները Միության մաքսային սահմանով տեղափոխվում են այն գործարքի շրջանակներից դուրս, որի կողմերից մեկն օտարերկրյա անձ է, որը Միության մաքսային տարածքում գտնվող օտարերկրյա ապրանքների մասով օտարերկրյա անձի կամ անդամ պետության անձի հետ կնքված գործարքի կողմերից է: Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով

նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

ԵԱՏՄ մաքսային օրենսգրքի 2-րդ հոդվածի 10-րդ կետի համաձայն՝ «արգելքներն ու սահմանափակումներն»՝ Միության մաքսային սահմանով տեղափոխվող ապրանքների նկատմամբ կիրառվող ոչ սակագնային կարգավորման միջոցներ են: Ոչ սակագնային կարգավորման միջոցները սահմանված են «Եվրասիական տնտեսական միության մասին» պայմանագրի 46-րդ հոդվածով, այն է. «Երրորդ երկրների հետ առևտրում Միության կողմից ընդունվում են ոչ սակագնային կարգավորման հետևյալ միջոցները՝ 1) ապրանքների ներմուծման և (կամ) արտահանման արգելք, 2) ապրանքների ներմուծման և (կամ) արտահանման քանակական սահմանափակումներ, 3) ապրանքների ներմուծման և (կամ) արտահանման բացառիկ իրավունք, 4) ապրանքների ներմուծման և (կամ) արտահանման ավտոմատ լիցենզավորում (հսկում), 5) ապրանքների ներմուծման և (կամ) արտահանման թույլատրական կարգ»:

Արժաթյա զարդերի ներմուծման դեպքում կիրառվում են ոչ սակագնային կարգավորման միջոցներ, քանի որ դրանք ընդգրկված են Եվրասիական տնտեսական հանձնաժողովի կոլեգիայի «Ոչ սակագնային կարգավորման միջոցների մասին» 21.04.2015թ. թիվ 30 որոշման 2.10 Հավելվածի ցանկում, ինչպես նաև «Հայաստանի Հանրապետության մաքսային տարածքով փոխադրման համար արգելված և սահմանափակումների ենթակա ապրանքների ցանկերը հաստատելու, լիազոր մարմիններ սահմանելու և ապրանքների արտահանման և (կամ) ներմուծման լիցենզիաների ու թույլտվությունների տրամադրման շրջանակային կարգը հաստատելու մասին» ՀՀ կառավարության 25.12.2014 թվականի N 1524-Ն որոշման 2-րդ Հավելվածի ցանկի 2.9 կետում, հետևաբար Սիրուշ Սարիբեկյանի կողմից 1,9 կգ նետտո քաշով տարբեր տեսակի արժաթյա զարդերի չհայտարարագրումը առաջացրել է ոչ սակագնային կարգավորման միջոցների չկիրառում:

ՀՀ մաքսային օրենսգրքի 203-րդ հոդվածի 1-ին մասի 3-րդ պարբերությամբ սահմանված է. «Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների և տրանսպորտային միջոցների մաքսային արժեքի չափով»:

Այսպիսով, նյութերով պարզվել է, որ 2018 թվականի օգոստոսի 4-ին Վրաստանից ՀՀ ժամանած «MERCEDES-BENZ» մակնիշի, 61SO911 հաշվառման համարանիշի ավտոբուսի ուղևոր Սիրուշ Սուրենի Սարիբեկյանն առանց հայտարարագրման ՀՀ մաքսային սահմանով տեղափոխել է 1.9 կգ քաշով տարբեր տեսակի արժաթյա զարդեր, ինչի հետևանքով առաջացել է 320,628 ՀՀ դրամի չափով մաքսային վճարների չհաշվարկում և ոչ սակագնային կարգավորման միջոցների չկիրառում, այսինքն՝ Սիրուշ Սուրենի Սարիբեկյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 3-րդ պարբերությամբ նախատեսված մաքսային կանոնների խախտում, այն է՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները

չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է ոչ սակագնային կարգավորման միջոցների չկիրառում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ, փորձագետի 27.09.2018թ. թիվ 70641804 եզրակացությամբ, ՀՀ ՊԵԿ ՄՀ վարչության 18.10.2018թ. թիվ 8-1/1822237/-18 գրությամբ և Սիրուշ Սարիբեկյանի բացատրությամբ:

Վերոգրյալի հիման վրա և ղեկավարվելով ՀՀ Մաքսային օրենսգրքի 203-րդ հոդվածի 1-ին մասի 3-րդ պարբերությամբ, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Սիրուշ Սուրենի Սարիբեկյանին (ծնված 26.06.1971թ., ազգությամբ հայ, ՀՀ քաղաքացի, միջնակարգ կրթությամբ, հաշվառված՝ ք. Ալավերդի, Սանահին Սարահարթ 3-րդ թաղամաս, 12-րդ շենք, 44-րդ բն., անձնագրի սերիան և համարը՝ AR0606515) ճանաչել զանցառու ՀՀ Մաքսային օրենսգրքի 203-րդ հոդվածի 1-ին մասի 3-րդ պարբերությամբ և նրան տուգանել առանց հայտարարագրման ՀՀ մաքսային սահմանով տեղափոխված 1,9 կգ քաշով տարբեր տեսակի արծաթյա զարդերի մաքսային արժեքի չափով՝ 1,394,040 ՀՀ դրամ:
2. Որոշման մասին հայտնել Ս.Սարիբեկյանին, պարզաբանելով, որ այն կայացնելուց հետո 10 օրվա ընթացքում կարող են բողոքարկել վերադաս մաքսային մարմին (ՀՀ մաքսային օրենսգրքի 222-րդ հոդվածի 2-րդ մաս) կամ երկամսյա ժամկետում՝ վարչական դատարան (ՀՀ վարչական դատավարության օրենսգրքի 72-րդ հոդվածի 1-ին մասի 1-ին կետ):

Հետաքննության
վարչության պետ՝



Ա.ՔՅԱՐԱՄՅԱՆ